

Djokovic ta avansa pa di cuatro ronda di Shanghai Masters pa enfrenta Safiullin

(AP)—**Persiguiendo un di 100 titulo di carera, Novak Djokovic a pasa mas facil den su segunda wega na e Shanghai Masters derrotando Flavio Cobolli 6-1, 6-2 ayera.**

Djokovic a logra su di 19 victoria, avansando riba e Italiano cu a ser tumba pa e serve hanchu di Djokovic. E di cuatro top hungador di mundo, Serb, no a permiti un break point den e tercer ronda, despues di dos tiebreaker y salvando set point contra Alex Mischelsen di Merca.

Djokovic, ken a gana cuatro di su 99 titulo na Shangai,

lo enfrenta Roman Safiullin ken a recien a gana e Mericano Frances Tiafoe 5-7, 7-5, 7-6 (5). E rivalidad di Stefanos Tsitsipas y Daniil Medvedev lo agrega un otro capitulo despues cu e hungador Griego a derota Alexandre Muller 6-3, 7-5.

Tsitsipas y e ex-campeon Ruso di U.S. Open lo enfrenta pa un di 14 biaha, y pa prome biaha den casi un aña. Medvedev ta comandando un avance di 9-4 den e head-to-head series, cual a resulta den un guera di palabra pafo di pista den pasado.

“Mi ta consider’e un perso-

na cu mi a respeta riba tour, hopi mas cu prome,” Tsitsipas a bisa. “Nos a tira palabra riba otro den pasado, pero mi ta pensa cu e cosnan ey a resolve nan mes durante tempo.”

Tsitsipas mester a warda pa un retraso di dos dia debi na yobida pasa pa hunga su wega di tercer ronda contra Muller, pero a muestra den control completo te ora cu el a perde su serve cu 5-3 den e segundo set. Sin ta preocupa, e Griego a logra un love pa gana e wega y renoba su rivalidad di seis aña cu Medvedev.

Ben Shelton a derota Roberto Carballes Baena 6-3, 6-4, ca-



bando cu ocho aces y 24 wega gana pa igualisa Jannik Sinner den e di cuatro ronda. Taylor Fritz tambe a avansa cu calmo, derrotando Yosuke

Watanuki di Hapon 6-3, 6-4, mientras cu Grigor Dimitrov, hungando den su di 100 evento di Masters, a derota Alexei Popyrin 7-6 (5), 6-3.

Gigante di Spaña y Barcelona Iniesta ta anuncia retiro despues di un carera di 22 aña

(AP)—**Andrés Iniesta, ken a hinca e gol victorioso pa Spaña durante e Copa Mundial di 2020 y tabata un di e hungadornan clave cu a haci e tiki-taka di Barcelona florece pa asina largo, a anuncia su retiro di futbol ayera.**

Iniesta di 40 aña a termina su carera di 22 aña cu tambe a inclui dos titulo di Campeonato Europeo y cuatro trofeo di Champions League. “Mi nunca a anticipa cu e dia aki lo yega, mi nunca a imagin’e,” el a bisa durante un ceremonia na Barcelona. “Pero tur e lagrimanan di e ultimo diano ta lagrima di emocion, of orguyo, pero no



di tristeza. Nan ta lagrima di e mucha homber cu tabatin un soño di bira un futbolista y ken a logra despues di trabao duro, esfuerço y sacrificio.”

Desde cu el a sali for di Barcelona na 2018, e tabata hungando cu Vissel Kobe na Hapon, y pa e ultimo aña cu Emirates den e UAE Pro

League.

Iniesta a haci su debut cu Barcelona na 2002, y a haci 674 aparencia. “E tabata algo unico pa ta cu e club di bo bida, pa representa Barça, su fanaticonan y pa bisti e jersey,” el a bisa. “E ta algo di cual mi semper lo tin bon memoria.”

Conoci pa su control di bala unico y habilidad tremendo pa crea wega, Iniesta a yuda ancla un mediocampo di Barcelona cu tambe a inclui Xavi Hernández y Sergio Busquets—ademas di Lionel Messi den atake—den un scudron cu a florece pa hopi aña cu un estilo efectivo pa

gara bala cual a bira conoci como e tiki-taka.

“Iniesta, bo futbol lo biba pa semper,” Barcelona a bisa, cual a locuta e ceremonia di retiro en bibo. Iniesta a gana nueve liga Spaño cu e club Catalano, como tambe seis Copa del Reys. Iniesta a yuda Spaña domina futbol mundial por medio di gana e Euro Cup di 2008 y 2021 y e Copa Mundial na 2010, unda el a hinca e gol ganador den e final contra Hulanda.

Iniesta a bisa cu e “no lo ta demasiado leu” for di futbol, y e ta cuminsando pa prepara pronto cu un carera nobo como entrenador.

Windsurfista Sarah-Quita Offringa ta sali victorioso den e Citroën Windsurf World Cup Sylt

Durante e weekend cu a pasa, winsurfista Sarah-Quita Offringa a participa den e competencia di “Wave” den e Citroën Windsurf World Cup riba e isla di Sylt na Alemania. Sarah-Quita, 24 biha champion mundial, a domina e torneo di e categoria femenino, saliendo na di prome luga riba otro atletanan internacional.

Tabata un weekend cu condicion di tempo impredecible, pero asina mes nos atleta Rubiano a resalta den su categoria, demostrando su habilidad y talento durante e competencia di “Wave”, unda windsurfistanan ta competi di oranan treman mainta

den e Lama Norte pa asina logra haya lo mas punto posible den cada ola cu nan gara.

Manera PWA World Tour a reporta riba nan cuenta di Instagram, Sarah-Quita tabata ausente na comienso di e temporada di Wave World Tour, pero despues di su victoria na Gran Canaria y awo na Sylt, Sarah-Quita ta bula pa di tres luga den ranking. E defensor actual di e Wave World Championships falta un evento mas na Maui den e Women’s Wave World Tour di e copa mundial di windsurfing aki.

Potretnan ta di Sarah-Quita Offringa riba Instagram.

